



UNIVERSITÄTS-  
BIBLIOTHEK  
PADERBORN

**Series Episcoporum Archiepiscoporum Et Electorum  
Moguntinorum, Trevirensium Et Coloniensium**

**Kolb, Gregor**

**Rottwilae, 1725**

**VD18 12054054**

XXXVI. Werner vs Elector XX.

---

[urn:nbn:de:hbz:466:1-64326](#)

summâ redemisset. Fridericus etiam inter captivos ductus, in præaltam furcam est actus, nova tormenti methodo: alligatis namque supremæ trabi pedibus, corpore inverso peperdit longo tempore, ut spectatores & sceleris consciæ multi discerent Principi suo promissam fidem servare. Annis 9. tempore interregni Gerardus fuit Elector, mortuus an. 1260. Vixit sub Innocentio IV. & Alexandro IV.

### XXXVI. WERNERVS ELECTOR XX.

**W**ernerus ex illustrissima Comitum Falckensteiniorum familia natus, post electionem sui Canonicam Romam petiit, coram rogaturus Pontificem Alexandrum IV. Archiepiscopale pallium. In itinere per Helvetiæ montes & valles viæ socium nactus est Comitem Rudolphum Habsburgicum, cuius jam tum virtutes multas maximi fecit, & solio Imperij dignas judicavit, prudentissimus & arbiter & augur: elapsis namque eo ex tempore anni 12. cùm Supremi in Romano Imperio convenere, Principes Cæsarem electuri, Wernerus suo calculo Rudolphum nominavit perpotenti exemplo ad imitationem sui trahens Eletores alios, præsertim verò Ludovicum Severum, cuius authoritas tum temporis plurimum eminuit. Post publicas Ecclesiæ Romanæ & Imperij curas, curam Archiepiscopatus sui in se suscepit singularem, dum an. 1261. provincialem Synodum Moguntiæ celebravit, periculis temporibus succurrendum, & præveniendum ratus. Ditionibus Electoralibus inhiantes Comitem Sponhemensem Joannem, & Philippum Hohenfelsium armis partim sacrис, partim profanis profligavit, prioris nimirum copias superando, posterioris verò sacrís interdicendo. Sententiam æquissimam, licet severam, tulit in Hebræos quoque, qua sublatis scelerum authoribus aditum in urbem Moguntiam eis deinceps constanter negandum esse statuit, triplicem maximè ob causam & cul-

pam

pam, quarum primam comiserunt abutendo per sumum nefas dape Evcharistica clam ablata: alteram fundendo Christianorum parvolorum sanguinem, & præstigiis adhibendo: tertiam denique puteos inficiendo. An. Salutis 1284. multorum lacrymâs parentatum est, postquam 24. annis Moguntiam Archipræfut illustravit sub novem Pontificibns Romanis, nimirum Alexandro IV. Urbano IV. Clemente IV. Gregorio X. Innocentio V. Hadriano V. Joanne XIX. Nicolao III. & Martino II. Sepulto Wernerio Canonicorum partes geminæ paribus suffragiis in Electorem suum delegerunt Gerardum Comitem Eppensteinum Trevirensim Archidiaconum, & Petrum Reichensteinum Basileensem Canonicum, majoris Ecclesiæ inter Moguntinos Præpositum, quondam Rudolphi Habsburgici Medicum. Annis tribus discordia pertinax Sedem reliquit viduam: denique inter duos litigantes gaudere tertium jussit Honorius IV. Pontifex, ea tamen moderatione, ut Petrum Reichensteinum Basileensibus Episcopum dederit, Gerhardo autem spem promotionis fecerit maximam. Cæterum inter duos litigantes ille tertius fuit

### XXXVII. HENRICVS II. ELECTOR XXI.

**H**enricus II. inter Episcopos Basileenses hujus nominis IV. Isenæ in Suevia ex parentibus tenuis fortunæ natus: præclaris tamen animi dotibus & virtutibus viam ad lauros & mitras sternere sibi didicit: inter Monachos enim D. Francisci cooptatus, Doctoris Theologiæ insignia capeffivit, discipulorum haud paucorum Magister, & paulò post Lucernæ Basileæque Guardianus, ut vocant, ubi simul Rudolpho Comiti, & mox Imperatori à sacris confessionibus, consiliis & legationibus fuit. An. 1274. inter dissidentes Canonicos, nemine tamen dissidente lectus Episcopus, munus suum obivit magno totius Diœcesis emolumento. An. 1285. Legatum mittere Romam constituit ad Hono-